

**“ITA NGA ALDAW, MAKIPAGIANKANTO KANIAK IDIAY PARAISO”- Lk.23:42-43.**  
(Maikadua a balikas ni Jesus idiy krus)

**PANGRUGIAN:** Kablaaw

Iti daydi nga aldaw a naibissayot ni Jesus iti krus idiy lugar "Bangabanga," adda idi kaduana a dua a tulisan - maysa iti makanawanna ket ti maysa iti makannigid. Kadaydi maysa, dayta nga aldaw ket aldaw ti pannakaukom gapu iti dakes/basol a naaramidna iti gobierno ti Roma kasta metten iti pananglalaisna ken Jesus. Ngem iti maysa a tulisan, dayta nga aldaw nupay saanna ninamnana, ket aldaw ti pannakaisalakan gapu iti napakumbaba a panangbigbigna iti kinadakesna ken ti panangbigbigna ken Jesus kalpasanna kinunana, "laglagipennak Jesus inton mapanka idiy pagariam"

**MENSAHE:**

Kadagiti nakaam-ames a pasamak ti lubongtayo iti agdama gapu iti COVID-19, sakit a nakagitgita gapu ta iti apagdarikmat laeng manipud iti maysa nga individual ket maiyakar ken mabalin nga agwaras ken maisaknap iti amin, kastoy ti napasamak iti lubongtayo. SAPLIT gapu ta nalabit nga adun ti nakalipat kadagiti tattao ti Dios gapu kadagiti nainlubongan ken nainlasagan a tarigagay ken aramid ket naiwalinen ti lugar ti Dios kadagiti puso ken biagtayo.

Ita a kangitingitan ti Covid-19 pandemic, kunak iti bagik, “COVID 19, wagas ka kadi iti pannakaukom? Wenno wagas ti pannakaisalakan?” Ngem kalpasan ti ababa a pannakaidagelko, ti masiguradok ket daytoy a crisis ti salun-at ket maysa a pangriing ti Dios kadaytoy gapu ta ay-ayatennatayo nga an-annakna, a no nakullaapanen ti mata ti pammatitayo ket nagsabalin ti dalan a tinaluntontayo gapu kadagiti manglimlimo a sulisog ken dakes nga impluwensia ti agdama a lubong, riingennatayon iti Dios tapno agsublitayo iti nalinteg a dalanna. Kas ti maikadua a tulisan, nga iti daydi nga aldaw, kinunana ken Jesus, “laglagipennakto inton mapanka idiy pagariam!” Ngarud, kas kenkuana, ti realization ken panagpakumbaba iti imatang ti mannakabalin a Dios ti kasapulantayo ita a panawen. Saan a kas ti immuna a tulisan a numanpay addan isuna iti maudi a kanito ti biagna ket ubraenna pay laeng ti mangrabak wenno mangum-umsi. Kakabsatko iti Apo, be like the second sinner who said, “laglagipennakto Jesus no mapanka idiy pagariam!” tapno iti dayta met la a kanito, malak-amantayo ti panangisalakan ti Dios a mannakabalin, maburak ti lunod ti basol! ken ti gita ti makapatay a sakit! Babaen ken Cristo-Jesus a nagkuna, “Ita nga aldaw, makipagiankanto kaniak idiy paraiso.” Amen!